

(1) Аскат «Бе'сь хай дит». (2) Ығай сёоң бе'сь хай дит долиң қаддақ ақтам. (3) Қайе дит бе'сьдаңа бара: (4) «Қарэ ат ук дь'қ қотэ дигаро. (5) Аксь анукс угась сиитақ». (6) Бе'сь бара: (7) «Каро!» (8) То'н дит си даниңильбет... (9) даниңильбет. (10) Қайе бара: (11) «Қонокс у, – бара, – қөкт купка арендаңа қань кугон (12) и уська бэн киксебесь. (13) Де'ңна ы'гдиңа... ы'гдиңт ась киңгисто». (14) Бе'сь бара: (15) «Ту ат то'н?» (16) «Ат, – бара, – ук дь'қ қотэ тоолёң». (17) Кунся қоң бе'сь дитдаңа қаений: (18) «Ень ат ук дь'қ қотэ дигаро. (19) Аксь угась ануксь сиитақ». (20) Дит бара: (21) «Каро!» (22) То'н бе'сь хай то'н сидугд толғот. (23) Ыкбаң дит датоң. (24) Дитдаңа бара: (25) «У анукс қонокс хакутесь, (26) кайоқ арендаңа, (27) уська бэн киксибесь. (28) Де'ңна ки ась киңгисто». (29) Дит ай бара: (30) «У ат то'н касқансе?» (31) «Ат, – бара, – то'н ук дь'қ қотэ толёң». (32) То'н дит хай бе'сь дейбугольбетин. (33) То'н бена оңон. (34) И киль қотэ бе'сь хай дит боля қойбаң бэн дугин.